

استدلال

هفته ده بر دفعه نشر اولور حقوق و سیاسیاتدن باحث

عالی، ادبی مجموعه در


نومرو ۱

۴ ایلول سنه ۱۳۲۴



سنه ۵۰ (نسخه اعتباریله در سعادت ایچون ۹۰ غروش
طشره ایچون آبروجه پوسته اجرتی ضم ایدیلور

نسخه سی ۲ غروش



استانبول

محل اداره سی

باب عالی جاده سنده ۵۲ نومرولو آ. آصادوریان مطبعه سی فوقنده کی دارة مخصوصه در

۱۳۲۴

اولمشر . قانون اساسیمز ، (هیئت مبعوثان) فصلندہ کی مواد ایلہ دخی اصول مبعوثیتی قبول ایلمشر . حاکمیت ملت قاعدہ سنک لاحقہ طبعیہ سی مثابہ سندہ بولنان بو اصول مبعوثیت مقالات آتیہ مزک بریسی تشکیل ایده جکدر .

پارس دار الفتونی حقوق شعبہ سی و لوم سیاسیه
مکتبی ماڈونلرندن :

سرخنہ زادہ احمد

بر تدبیر مالی

معلوم اولدینی اوزره اموال عمومیه نک منبی تکالیف اولمسیلہ ہر دولت کندو حالہ کورہ اک مناسب بر اصول تکالیف اتخاڈ و اجراسنہ و تکالیف موضوعہ دن حاصل اولہ جق مبالغی حسن استعمالہ سی ایدر .

تکالیف دن حاصل اولان مبالغ عملیات نامیہ یعنی طرق و معابر و لیمانلر انشاسنہ و بزده بر فلاکت و فقط اوروپا دولترنجہ بر سبب فیض و برکت عد اولنان انہارک تسویہ بحر الریلہ قابل سیروسفر بر حالہ وضعنہ و طغیان ایتلمرینہ مانع اولمق اوزره سدلر یاپلمسنہ و اطرافلرنده بولنان اراضینک اروا و اسقامی ایچون قناللر آچلمسنہ و بو سایہ دہ و سائط نقلیہ نک یکدیگریہ صرف و تخصیص اولنق صورتیلہ ثروت عمومیه نک تزییدینہ خادم اولور یعنی منبع واردات بسلنیرسہ تکالیف عینی نعمت اولوب بالعکس تکالیف دن متحصل مبالغ غیر نامی بر طاقم عملیات یاپلمسنہ و عدد مأمورینک تزییدیلہ بولنرہ یوکسک یوکسک معاشرلر ویرلمسنہ و سوه اداره دن متولد اختلافات و اغتشاشاتک تسکین و ازالہ سنہ تخصیص ایدیلر یعنی او منبع قوریدیلیرسہ تکالیف عینی فلاکت حکمنی آلور . بزده شمعی یہ قدر ایکنجی شق اوزره اداره امور ایدلیدیکی قابل انکار دکلدور .

منابع وارداتمزی قوروتدق و بونک نتیجہ سندہ اہالیمزک صوک درجہ دہ فقر و ضرورتہ سبب اولدق . ایشتہ شمعی او منابعی احیا ایتک لازمکیلور ؛
- اشتشارہ -

لکن فصل احیا ایتلی ؟ تبعه عثمانیه ده مجال قلمبندی که تکالیف موجوده به ضم ویا تکالیف جدیده طرح ایتک صورتیله مبالغ لازمه بی تدارک ایده بیلمه.

بوندن اوج درت سنه مقدم تجهیزات عسکریه نظارتنه تخصیص اولنق اوزره ویرکوی شخصی و شرعشریفه کلیاً مغایر اوله رق حیوانات اهلیه ویرکوسی احداث اولنشدی . بچاره اهالی ، مطاوعت معتاده سی اوزره ، بو ویرکولری ایفا ایتدی ؛ لکن تکالیف سارهی بی بقایاده برافدیغندن و بو ویرکولردن طولانی بعض ولا یاتده برطاقم اغتشاشات ظهور ایتدیکندن حکومت بو ایکی ویرکویی الغایه مجبور اولمشدی . اشته بو حال تبعه عثمانیه ده مجال قلمدینی حقنده کی افادانک اصابتی اثبات ایدر ظن ایدرم .

شو حالده صرف امور نافعیه صرف اولنق اوزره بر استقراض عقد ایتمکن بشقه چاره قلمیور . آنجق بویله بر استقراض عقد ایده بیلمک ایچونده بر قارشولق کوسترمک لازمکلیورکه بوده بعض رسوم حقنده کی نظاماتر تعدیل و اصلاح اولنمدقه الیوم مفقود کی در . دور سابقده قارشولق اوله رق ارانه اولنمدق هیچ بر واردات بر اقلعما مشدر . بر احتیاج عاجل ظهور ایتدکجه عاجلده بر چاره آرانلیور ایدی . توحید و تحویلی ممکن کافه استقراضات توحید و تحویل ایدلمش ، سربست قلمش نه واردات وارسه هپسی قارشولق کوسترلمش و بو یوزدن خزیننه دولته کیرن مبالغه قسماً سوء اداره دن متولد اختلالات و اغتشاشاتک تسکین و ازاله سنه و قسماً مأمورین ملکیه و عسکریه به بر معاش ویرلمسنه و غیر معقول و تعدادی باعث کلال غیر معقول اولان بر طاقم مصارفاتک تسویه سنه تخصیص اولنمشدی .

شو حاله نظر اُ پاره تدارکی ایچون نه کی بر تدبیره مراجعت ایتک لازمکلیور ؟ منابع وارداتزدن بر چوغنک تعدیل و اصلاحی صورتیله مبالغ جسیمه تدارکی قابل ایهده آنجق معلومات صحیحیه بنای حساب و تدقیقات ایچون الله بر استاستیق بولنمدیغندن (کرجه بر استاستیق قلمی واردر و مدیرینه یدی سکر بیسک غروش معاش ویریلیور لکن شمعی به قدر هیچ بر استاستیق

کورمك) و یا هنوز زمین و زمان مناسب اولمديغندن شمدلك تحقيقات و تدقيقات مخصوصه به مبتنی بر تدبیر مالیدن بحث ایدہ حکم. فکر بحه بوتدیر اولا مستحصللرک تکلیف بار مکلفیتی و ثانیاً مواد مضره استعمالک تحذیدیه اخلاق و صحت عمومیه نک محافظه سی کی ایکی درلو محسناتی جامعدر. بوده کثول اوزرینه هر یرده اولدینی کی بزرده دخی بر استهلاك رسمی طرح ایتمکدن عبارتدر.

دیون عمومیه اداره سی طوغریدن طوغری به مستحصلدن آلتقی اوزره شراب و راقی و بیرادن یوزده اون بش رسم میری استیفا ایتمکدهدر. حکومتک منافع اهالی بی هیچ بر زمان دوشونمديکنه بر دلیل اولمق اوزره شوراسی علی طریق الاستطراد بیاندن کنندی آله مامکه رسم مذکور اساساً یوزده اون ایکن قوائم نقدیه نک قالدیرلمسنه مدار اولمق اوزره بیک ایکوز طقسان درت سنه سنده یوزده اون بشه ابلاغ ایدلمشدر. قائمه چوقدن لغو اولمش فقط رسم یوزده اون بشده ابقا اولمشدر. رسم میرینک بویله جه طوغریدن طوغری به مستحصلدن آلتقی و عینی زمانده ممالک اجنبیه دن ادخال اولنان شراب و کولاردن دهها برایکی سنه اولنه کلنجیه قدر یوزده سکر ودها طوغری سی یوزده یدی غروش سکر یاره رسم کرک استیفا اولتقی و ممالک اجنبیه به اخراج اولنان یرلی شرابلردن آلتان رسم میریدن، حین اخراجده، یالکر نصفنک اعاده ایدلمی و ممالک اجنبیه ده شرابلرمزدن آغیر آغیر کرک رسملری آلتقی نتیجه سی اوله رق بو قیل محصولات عملیه مز اجنبی محصولات ممانله سنه رقابت ایدمه مدکارندن مهم بر منبع ثروت تشکیل ایدن بانغیلق محو اولمق درجه سنه کلش و بانغیلرمز ایچون باغلرینی بوزمقدن بشقه بر چاره قلمامشدر.

بو قدر تخریبانه مقابل سنوی دیون عمومیه جه تأمین اولنه بیلان واردات ایسه آنجق ۲۸۰,۰۰۰ لیرای عثمانی به بالغ اولدیفندن بوندن سکر، اون سنه مقدم دیون عمومیه اداره سی هم مستحصللرک حال ضجرت اشتهالی تهوین همده مسکرات وارداتی تزید ایتمک مقصدینه مبتنی اولبابده کی نظامانجه بعض تعدیلات اجرا سی تکلیف ایتمش ایدیه ده او وقتلر توحید دیون معامله سی اجرا و دیون

عمومیه اداره سنک تشکیلاتی متضمن اولان محرم قرارنامه سنک فضله وارد آندن.
 باحث ماده سی تصحیح ایدلماش اولدیغندن تکلیف واقع رد ایدلش و بو حال
 شمعی به قدر بویله جه دوام ایتمکده بولمشدر.

بناء علیه بومهم منبع ثروتی احیا ایچون یرلی شرابلیری استر داخل ممکنده
 استهلاک ایستر ممالک اجنبیه به سوق و اخراج اولنسون رسم میریدن معفوظونقی
 و یرینه بالاده عرض اولندیغنی وجهله بر رسم استهلاک طرح ایتک زمانی
 حلول ایتمشدر.

کثول صرفیاتی حقنده بالاده ذکر ایتدیکم تحقیقات و تدقیقات مخصوصه دن
 ممالک عثمانیه ده ۲۲,۸۸۷,۷۳۰ کیلوگرام کثول صرف و استهلاک اولندیغنی
 و بونک ۱۴,۱۸۲,۴۲۰ کیلوسنک ممالک اجنبیه دن ادخال و ۸,۷۰۵,۳۱۰
 کیلوسنک ده ممالک عثمانیه ده اعمال ایدلیکی اکلاشیلور. امدی ممالک اجنبیه ده
 و حتی عهود عتیقه به تابع اولان بلغارستانده بیله اولدیغنی مثللو ممالک عثمانیه ده دخی
 کرک اجنبی و کرک یرلی کثولک بهر کیلوگرامندن بش غروش یکریمی پاره
 رسم استهلاک آله جق اولورسه

لیرای عثمانی کبی مهم وازدات تأمین ایدلش اولور بو مبلغه	۱,۲۵۸,۸۲۵
یرادن آلتان رسم میری ایله بیعیه دن حاصل اولان تقریباً	
لیرا ضم ایدیلنجه مسکرات وازداتندن	۵۲,۰۰۰
لیرای عثمانی حاصل اوله جغنی اکلاشیلور.	۱,۳۱۰,۸۲۵
مبلغ مذبور دن مصارف تحصیلیه ایچون تخمین اولنان	
لیرای عثمانی تنزیل اولندقدنصکره وازدات صافی	۳۰,۸۲۵
لیرای عثمانی به بالغ اوله جق و بو مبلغدن دخی بالاده بیان اولدیغنی	۱,۲۸۰,۰۰۰
اوزره الیوم دیون عمومیه اداره سنجه استیفا اولنان	
لیرا تنزیل ایدلد کدنصکره	۲۸۰,۰۰۰
لیرا و بوندن دخی ایمای دین ایچون یوزده یکریمی بش حسابیه	۱,۰۰۰,۰۰۰

دیون عمومیه به تخصیصی لازمکلاں

لیرا تنزیل ایدلدکد نصکره ۲۵۰,۰۰۰

لیرا حکومتک حصه سنه اصابت ایده جکدر . ۷۵۰,۰۰۰

ممالک اجنبیه دن ادخال اولنان بیرا رسم استهلاکدن وارسته طوئیه میه جغی کبی
یرلی برابره دخی مثلاً کیلو غرام باشنه اون پاره طرح ایدیله جکی بدیهی بولندیغندن،
ممالک عثمانیه ده سنوی ۷,۰۰۰,۰۰۰ کیلو بیرا اعمال اولندیغنه نظراً

لیرای عثمانی واردات تأمین قابلدیر آنجیق بوندن یوزده یکر می بش ۱۷۵,۰۰۰

حسابیه دیون عمومیه به تخصیصی لازم کلان

لیرا تنزیل ایدلدکد نصکره ۴۳,۷۵۰

لیرا حکومت سنیه به عائد اوله جق و بوکا بالاده کی ۱۳۱,۲۵۰

لیرا ضم ایدیلورسه حکومتک حصه سنه ۷۵۰,۰۰۰

لیرای عثمانی عائد اوله جقدر . ۸۸۱,۲۵۰

اشته حکومت نسبتاً مهم بر وارداتی تأمین ایچون دیون عمومیه اداره سیله
بالاتفاق مسکرات اوزرینه بر رسم استهلاک وضع ایده بیلور . بوکا ایسه هیچ بر مانع
تصور اولونه ماز . چونکه اولاً فضله وارداتک جهت عائدتی مسئله سی فصل
وتسویه ایدلمش وثانیاً دائرة عائدته سنه عرض اولنان اسباب ومطالعائدن طولانی
اسکی موانعدن هیچ بری قلامشدر .

بوندن قطع نظر اجانب رسم استهلاک اعمار مملکت ایچون اقتضا ایدن
مبالغت تدارکنه خادم اوله جغنی کورنجه بلااعتراض موافقت ایده جکلردر .
بو مدعانک صحتنی مؤید اوله رقی آتی الذکر وقعه بی ذکر ایده جکم . شویله که:

بوندن بر ایکی سنه اول ممالک عثمانیه ده رسم کرکه یوزده اوج ضعی ایچون
سفارات اجنبیه ایله جریان ایدن مذاکرات انسانده بلغارستانک ادخالات رسمنی
استدییکی کبی تزییده موافقت اولندیغنی حالده بو موافقتک حکومت عثمانیه دن
دریغ ایدلدیکی باب عالی طرفندن مقام شکایتده درمیان اولتمشی اوزرینه سفارات
اجنبیه جوابلورنده بلغارستانده معاملات تجاریه نیک تسهیلی امرنده طرق ومعارایله

تیمور یوللری و لیمانلر انشا اولندیغی و ممالک عثمانیه ده ایسه کافی درجه ده یول و لیمان حتی و سعتلی کړک دائره لری بیله موجود اولمدیغی جهتله ممالک دولت علیه نك بلغارستانه قیاس اولنه میه جغنی بیان ایتملردی .

بالاده ایضاح اولنان تدبیر مالی اعمار مملکت ایچون مقتضی مبالغدن بر قسمتک تدارکنه مدار اوله جفندن بشقه ممالک عثمانیه داخلنده کړک شرابدن و قوری اوزوم و میوه لردن و کړک قوقوروز و حبوبات ساآرهدن کثول اعمالی ایچون بر جوق فابریقه لړک تأسیس ایدلمسنه و بو سایه ده زراعت و صنایعک ترقیسنه خادم اوله جغنی جهتله آبروجه موجب محسنات اوله جقدر .

ترجه اوله سی سر خلیفه سی

قسطان

مصوصینه تضمینات [۱]

اطلاق سبیلنه قرار ویریلان موقوفین ، برائتنه اتفاق حاصل اولان محکومین ایچون بر تضمینات ، بر ضرر و زیان صلاحیتی وارمیدر ، یوقیدر بورازی اکثر حکماء و حقوق شناسان نزدنده دور و دراز تمهید مطالعاتی دعوت ایتمش مسائلدن بولنمشدر . مجموعه نفیسه کړه تقدیمه متجاسر اولدیغم ایلک ملاحظه نامه سی بو مطالعاتک حقیقت و مشروعیتنه بنا ایلیه حکم .

بر آدم بر یرده تعمداً ضربه ، جرحه قتله متصدی اولور . تشبیه تشبیه تام . فعلی ، عزم و نیت و قصد و تصمیماته مطابق . جانی ، متعمد اصل بویه آدم لردر . قانون ، اصول و نظامی دائره سنده بو کبی اشخاصی ترهیب و مجازاته گرفتار ایلر سه حقوق اجتماعی بی محافظه ، امن و آسایشی اغاده ، مختل اولان . الفت بشریه بی حمایه ایلمش ، وظیفه سی بحق اجرا ایتمش اولور .

تعصباً جرم بالا طرف ، ماهیتی ، فاعلی مستور قالیر . بونی تصور ایدلم .

[۱] قوانین عدلیه تعدیل هیئتنه .